

Xaagu

15/11/2009

Qasa badih qafarih ummatta shaqbiyyah butta xibqi dale keenih elle tekkeh tan isinni rasuy araciinoh elle sugeeni cabak dabboh elle geytimaanah yanin rasul tama xintoh saduh takkeh tan abinittet bisoh axcuk geytimaanah yaniinim timixige.

Qasa badih qafarih ummatta shaqbiyyah xintoy cuggaane kee baadah inkih qunti keena tekkeh geytimtaah inkih tan eretriyah ummattaay baxsa luk qasa badih qafarih ummatta edde tabbixeh tan Samad baysak tawquh tama xintoh saduh Noveber alsak 15/2009 baar leh tan wagari solo gexiseenih yaniinim too dariifak nee gufeh yan xaagi diggoyse.

Tama xagi elle qaddoyseh yan innal 5000 daga takkeh tan qasa badih xaylo edde marrowte tan soloy shaqbiyyah xinto amooy af gitaak iroh tan xintoy rasi xaylo ximokraasih ceelok afyaaqurih yan casbit tabbixeh tan xinto kinnuk baad kee dariifa doolatitte tuktiya akak abeh meqe kinnih tanim elle qadoyseenih yanin solo kinnih tanim kee qasa badih xaylo tama xintoh saduh takkeh tan giclot isinnik faxximtah tan gabah agle yalloonuh xagana elle yuqusbuseenih yanin ayro kinnih tanim aysaqiiti dabboh gubuk nee-gufeh yan xaagi qaddoyse.

Tama solo gexisseh tan ummatta itroh afat luk yeneenim kaaduuy eretriyah ambasader gitaak iroh abeh yan yaabitte nassacakkeeh, qasa badih qafarih ummattat yakkeh yan samad baysal angiicillennooh, shaqbiyyah xinto baad kee dariifah takkeh tan xinkalit nassacakkeeh, tama xintoh mirocti kee fanat gexak **cabaaru** kee **boylat** geytimtah tan Q.B.Q.X.M massoynullih boor kee bagu tikki inneh angiicillenno inatah tan itroora kee kalah raqtah tan itroora afat luk mangoh tan saaqoota gexot sugeenih yaniinim tama solo elle tekkeh tan dariifak nee-gufeh yan xaagi diggoyse.